

**BOSNA I HERCEGOVINA  
FEDERACIJA BOSNE I HERCEGOVINE  
SREDNJOBOSANSKI KANTON/KANTON SREDIŠNJA BOSNA  
OPĆINA FOJNICA  
OPĆINSKI NAČELNIK**

Broj: 02-11-621-8/22

Fojnica: 14.06.2022.

Na osnovu člana 64. stav (1). tačka a), člana 70. stav 1. 3. i 6. Zakona o javnim nabavkama BiH („Službeni glasnik BiH“, broj 39/14), člana 39. Statuta Općine Fojnica Prečišćeni tekst („Službene novine Općine Fojnica“, broj: 02/15), a u vezi s preporukom Komisije za javne nabavke broj: 02-11-621-7/22 od 13.06.2022. godine, Općinski načelnik **d o n o s i**:

## **O D L U K U**

**o izboru najpovoljnijeg ponuđača za rekonstrukciju puta Bakoviči-Bistrica-Garež**

### **Član 1.**

Prihvata se Preporuka Komisije za javne nabavke broj: 02-11-621-7/22 od 13.06.2022. godine i Ugovor za javnu nabavku: „Rekonstrukcija puta Bakoviči-Bistrica-Garež“, dodjeljuje se izabranom ponuđaču Grupa ponuđača „TWI“ doo Kiseljak i „Bucomerc“ d.o.o. Kiseljak, ponuda broj: 01-14/22 od 09.06.2022. godine za ponudenu cijenu od 216.950,00 KM, bez PDV-a, odnosno 253.831,00 KM sa PDV-om, kao najbolje ocjenjenom ponuđaču.

### **Član 2.**

- (1) Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada je ponuđač obaviješten o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti u roku od 5 (pet) dana nakon što svi ponuđači budu obaviješteni od strane ugovornog organa o rezultatima postupka nabavke.

### **Član 3.**

Ova odluka objavit će se na web-stranici Općine Fojnica, [www.fojnica.ba](http://www.fojnica.ba), istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

### **Član 4.**

Ova Odluka stupa na snagu danom donošenja.

### **Obrazloženje**

Postupak javne nabavke – „Rekonstrukcija puta Bakoviči-Bistrica-Garež“, proveden je putem Otvorenog postupka javne nabavke za dostavu ponuda broj: 02-11-621-3/22, od 11.05.2022. godine  
Obavijest o javnoj nabavci broj: 546-1-3-21-3-13/22 objavljena je na Portalu javnih nabavki 11.05.2022. godine sa Tenderskom dokumentacijom.

Komisija za javne nabavke Općine Fojnica imenovana Rješenjem općinskog načelnika broj: 02-11-544/21 od 02.11.2021. godine po otvaranju ponuda 09.06. 2022 godine, dana 13.06. 2022 godine izvršila je pregled i ocjenu ponuda i dostavila Općinskom načelniku Zapisnik o pregledu i ocjeni ponuda broj: 02-11-621-7/22 sa preporukom o izboru najpovoljnijeg ponuđača za nabavku radova „Rekonstrukcija puta Bakovići-Bistrica-Garež“, Općina Fojnica.

U postupku po dostavljanju Zapisnika konstatovano je da je Komisija za javne nabavke blagovremeno i ispravno izvršila javno otvaranje ponuda i ocjenu prispjelih ponuda, u kojima je utvrđeno sljedeće:

- da je ukupan broj pristiglih ponuda 4 (četiri)
- da je blagovremeno zaprimljeno 4 (četiri) ponude
- ponude tri ponuđača dostavljene su na propisan način, original i jedna kopija, uvezane, numerisane u skladu sa zahtjevima iz TD.
- da je ponuda ponuđača Obrt Azekop Kiseljak dostavljena na nepropisan način jer je dostavljena samo original ponuda bez kopije i ista je odbačena kao nepotpuna,
- da je ponuđač Komgrad-Ze d.o.o. Zenica ocijenjen kao nekvalifikovan iz razloga što za svaki od računa koji je naveden u Izvještaju Centralne banke BiH nije dostavio kopiju potvrde poslovne banke gdje je račun otvoren čime nije dokazao da račun u 12 mjeseci od dana izdavanja potvrde nije blokiran

Komisija je izvršila provjeru kvalifikacija ponuđača u predmetnom postupku nabavke radova: „Rekonstrukcija puta Bakovići-Bistrica-Garež“, prema minimalnim uslovima za kvalifikaciju ponuđača i ocijenila ponude prema kriteriju za dodjelu Ugovora „Ekonomski najpovoljnija ponuda“ utvrđenih u Tenderskoj dokumentaciji.

Ponude ponuđača: Grupa ponuđača TWI d.o.o. Kiseljak i Bucomerc d.o.o. Kiseljak i ponuda ponuđača Grakop d.o.o. Kiseljak su prihvatljive za ugovorni organ i iste su dostavljene u skladu sa zahtjevima iz TD.

Na osnovu kriterija „Ekonomski najpovoljnija ponuda Komisija je izvršila analizu prihvatljivih ponuda prema kriteriju za izbor sa sljedećim podkriterijima:

- |                                |                   |
|--------------------------------|-------------------|
| 1. Podkriterij ponuđena cijena | broj bodova: 80 % |
| 2. Podkriterij rok plaćanja    | broj bodova: 20 % |

Naziv ime ponuđača	Podkriterij cijena – broj bodova	Podkriterij rok plaćanja–broj bodova
Grupa ponuđača TWI d.o.o. Kiseljak i Bucomerc d.o.o. Kiseljak	Cijena: 253.831,50 KM 80 bodova	Rok plaćanja: 90 dana 20 bodova
Grakop d.o.o. Kiseljak	Cijena 281.063,25 KM  72,25 boda	Rok plaćanja 90 dana 20 bodova

Na osnovu ponuđene cijene i roka plaćanja Komisija je izvršila rangiranje prihvatljivih ponuda prema kriterijima za izbor

- 1. Grupa ponuđača TWI d.o.o. Kiseljak i Bucomerc d.o.o. Kiseljak 100,00 bodova**
- 2. Grakop d.o.o. Kiseljak 92,25 boda.**

U postupku ocjene provedenog postupka, Općinski načelnik, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

U postupku je ocijenjeno, da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, internim aktima i Tenderskom dokumentacijom.

Iz navedenih razloga, primjenom člana 64. stav (1) tačka a) Zakona o javnim nabavkama BiH, odlučeno je kao u dispozitivu.

### **POUKA O PRAVNOM LIJEKU**

Protiv ove Odluke može se izjaviti žalba Uredu za razmatranje žalbi BiH putem Ugovornog organa u pisanoj formi u roku od 10 dana od prijema ove Odluke. Naknada za žalbu je propisana članom 108. Zakona o javnim nabavkama BiH. Žalba se podnosi u dovoljnom broju primjeraka, koji ne može biti manji od tri.

DOSTAVITI:  
- Ponuđačima,  
- a/a.



**OPĆINSKI NAČELNIK**

**Sabahudin Klisura dipl.ing**